



Aqqalu C. Jerimiassen

UPA 2023/68-69

Atassut

2. maj 2023

Naalagaaffit Peqatigiit Meeqqat pisinnaatitaaffii pillugit isumaqatigiissutaata malinnejarnissaanut iliuusissatut pilersaarummik 2023-mit 2030-mut atuuttussamik nutaamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Eqaluk Høegh, Inuit Ataqatigiit)

Nunatsinni meeqqat inuusuttullu kommunini tamani suliassangortitat annertuumik navianartorsiortutut nalunaarsorneqarsimallutik inissimasut kiisalu meeqqat inuusuttullu pillugit suliat suliarineqarsimannngitsut pillugit kommunit peqatigalugit Naalakkersuisut immikkut annertusisamik iliuuseqarnissaannik peqquneqarnissaannut Inatsisartut aalajangiiffigisassattut siunnersuut.

(Inatsisartunut ilaasortaq Eqaluk Høegh, Inuit Ataqatigiit)

Kalaallit nassuerutigisariaqalerparput, meeqqatsinnik paarsilluarnerujussuanngortariaqalernerput. Meerannguit sumiginakkaat politikkikkut nilliaatigineqartuartut, qaqguunagooq meerannguit qitiutillugit suliniartugut? Meeraannguit pingarnerpaarpaapput.

Tamanna assortorneqarsinnaanngilaq. Piffissanngorluinnarporlu aamma angajoqqaajulluarnerulernissatsinnut. Politikkeritummi qanoq iliorsinnaavugut meeqqatsinnik paarsilluarnerulissagutta? Naammanngilarmi ajortoqarnerata kingorna akisussaaffik tamaat pisortanut politikkerinullu tunniuttuassagaanni.

Immaqana akisussaaffik politikkeriniittuaratsigu, pisortaniittuaratsigu, qanga pisimasut pisuutittuaratsigit, nunasiaataasimaneq pisuutinneqartuarmat suli ingerlariaqqinneq ajulersugut? Naalagaaffinngorutta meeqqatsinnik paarsilluarnerulissaagut? Angajoqqaajulluarnerulissaagut? Pisortat isumalluutigiunnaassavagut?

Qassimmita maani inersuarmi meeqqat atugaasa pitsanngorsarnissaannik suaaruteqarlutik qinigaappat? Inuiqatigiinnilu politikkereq meeqqat atugaannik pitsanngorsaarusuttoq qinissavaat. Inuiqatigiit utaqqippu. Politikkererli qanoq iliuuseqarsinnaava? Meeqqat pisinnaatitaaffiisa nukitorsarnissaannik oqariartuuteqartoqarsinnaavoq, pilersarusiorqoqarsinnaavoq, Naalakkersuisut suliaqarnissaannut peqqullugit.

Meeqqat navianartumik inissimasut nalunaarsorsinnaavagut, kommunit peqatiseralugit suliassangortitat sukkannerusumik piaarnerusumillu suliarineqapallattarnissaat

siunnerfigisinnaavarput inatsisartuni, Naalakkersuisullu peqqullugit. Ilaanarujussuaq. Tamannalu Atassummiit peqataaffigissavarput.

Tassa ajortoqareernerata kingorna uagut politikkikkut iliuuserisinnaasagut. Aamma pisariaqarpoq, meerannguimmi atugarliortut sapinggisarput tamaat iliuuseqarfisariaqarpagut. Sioqqullugumi qanoq iliuuseqarsinnaavugut?

Uagut politikkeriusugut qanoq iliorutta qulakkeersinnaavarput inuiaqatigiisugut angajoqqaalluarnerulernissarput? Toqqarsimagutsigu meerannguaq nunarsuatsinniilersikkumallugu angajoqqaatut akisussaaffeqarpugut. Meerannguummi inunngornissani nammineerluni toqqagarinngilaa. Taamaammat angajoqqaatut pisussaaffipput annertoorujussuuvoq.

Sioqqutsillugu politikkikkut iliuuseqassagutta inuiaqatigiinni atukkagut pitsanggorsartariaqarpagut. Inuit misigisimasariaqarput akisussaaqataallutik, taamatullu aamma kiffaanngissuseqarlutik. Uagut qulaaniit aqtsinerujussuaq annikillisarsinnaavarput, aappilarissumillu aqtsineq piujuartillugu pisortanik isumalluuteqartuassaagut.

Nassuerutigisariaqarparpullu ukiorparujussuarni namminiilivinniapiroernerup kingunerigaa innuttaasut katataanerat. Nakorsiarniarsariniinnarluunniimm ajornarpoq. Tassa oqartussaaffinnik tigooraapallanniarsarinerup kingunera. Tamatta akisussaaqataavugut, uagullu politikkerit aamma suna pingaartinneruneripput nalileroqqittariaqalerparput.

Siunnersuuteqartup siunnersuutaanut marluusunut Atassummiit tamakkiisumik akuersivugut.